

2. gr.

2. töluliður 6. gr. reglugerðarinnar orðist þannig:

Vörur, sem sjómenn eða flugmenn flytja sjálfir með sér í fari sínu til persónulegra nota hlutaðeigenda eða skyldmenna hans og keyptar eru fyrir hinn svonefnda áhafnagjaldeyri, þó ekki yfir 3000 króna verðmæti á mánuði.

3. gr.

Reglugerð þessi, sem sett er samkvæmt lögum nr. 30 25. maí 1960, um skipan innflutnings- og gjaldeyrismála o. fl., öðlast þegar gildi.

Viðskiptamálaráðuneytið, 18. apríl 1961.

Gylfi P. Gíslason.

Jónas H. Haralz.

Nr. 107.

19. apríl.

Staðfesting forsetans á skipulagsskrá fyrir Bókmenntasjóð Félags íslenzkra rithöfunda, útgefin á venjulegan hátt að mandatum af dómsmálaráðherra 19. apríl 1963.

Skipulagsskráin er þannig:

SKIPULAGSSKRÁ

Bókmenntasjóðs Félags íslenzkra rithöfunda.

1. gr.

Sjóðurinn heitir Bókmenntasjóður Félags íslenzkra rithöfunda og er heimili hans og varnarþing í Reykjavík. Hann er stofnaður af Félagi íslenzkra rithöfunda, samkvæmt aðalfundarsamþykkt 7. marz 1961.

2. gr.

Tilgangur sjóðsins er að veita félagsmönnum í Félagi íslenzkra rithöfunda bókmenntaverðlaun í viðurkenningarskyni fyrir ákveðin ritverk eða bókmenntaafrek. Verðlaun þessi ber fremur að líta á sem uppörfun og viðurkenningu en sem fjárveitingu. Og eigi skal sækja um styrk úr sjóði þessum. Viðurkenning Bókmenntasjóðs skal jafnan tilkynnt á fundi í Félagi íslenzkra rithöfunda, er haldinn verður næsta ár eftir úthlutun, og skal hún bókuð í fundargerð félagsins.

3. gr.

Sjóðurinn veitir viðtöku gjöfum og framlögum, er einstaklingar, fyrirtæki og félag vilja leggja fram. Þá skal sjóðurinn, fyrst um sinn, njóta árlegs framlags frá Félagi íslenzkra rithöfunda, er aðalfundur félagsins ákveður á hverjum tíma, og skal það fé lagt við höfuðstól sjóðsins. Einnig getur stjórn sjóðsins aflað honum tekna með öðrum hætti.

4. gr.

Stofnfé sjóðsins er kr. 40000.00 — fjörutíu þúsund krónur —. Höfuðstólinn og það, sem við hann leggst má aldrei skerða. Fjórði hluti ársvaxtanna skal jafnan

leggjast við höfuðstólinn, en þrír fjórðu vaxtanna komi til verðlauna samkvæmt 2. gr. Skal sjóðurinn taka til starfa, þegar $\frac{3}{4}$ vaxtanna nema 5000 krónum. Sjóðsstjórnin geymi fé sjóðsins í venjulegri viðskiptabók í sparisjóði Landsbanka Íslands, eða þá að einhverju leyti í ríkistryggðum skuldabréfum. Aldrei má lána úr sjóðnum og aldrei veðsetja hann.

5. gr.

Stjórn Bókmenntasjóðsins annast á hverjum tíma stjórn Félags íslenzkra rithöfunda, og úthlutar úr honum.

6. gr.

Reikningsár sjóðsins er almanaksárið, og skulu reikningar hans lagðir fram endurskoðaðir á hverjum aðalfundi Félags íslenzkra rithöfunda.

7. gr.

Verði Félag íslenzkra rithöfunda lagt niður eða sameinað öðru félagi, skal Bókmenntasjóðurinn starfa áfram sem sérstök stofnun undir stjórn norrænueldar Háskóla Íslands. Sjóðurinn beri þó eftir sem áður sama nafn, og starfi í höfuðdráttum samkvæmt skipulagsskrá þessari.

8. gr.

Skipulagsskrá þessari má aðeins breyta á aðalfundi með samþykki $\frac{3}{4}$ greiddra atkvæða, og hafi breytingartillögur komið fram og verið ræddar á næsta aðalfundi á undan.

9. gr.

Leita skal staðfestingar forseta Íslands á skipulagsskrá þessari og hún birt í Stjórnartíðindum.

Staðfesting forsetans á skipulagsskrá fyrir Afmælistjóð Kristjáns Þorsteinssonar, útgefin á venjulegan hátt að mandatum af dómsmálaráðherra 26. júní 1963. Skipulagsskráin er þannig:

SKIPULAGSSKRÁ

fyrir Afmælistjóð Kristjáns Þorsteinssonar.

1. gr.

Sjóðurinn heitir: Afmælistjóður Kristjáns Þorsteinssonar.

2. gr.

Sjóðurinn er stofnaður af foreldrum Kristjáns, Guðrúnu Guðmundsdóttur og Þorsteini Jónssyni, Sólvöllum 13, Akureyri, með minningargjöf að fjárhæð kr. 25000.00 — tuttugu og fimm þúsund krónur — til Fjórðungssjúkrahússins á Akureyri. Kristján var fæddur 25. ágúst 1929 og andaðist 20. desember 1949.

3. gr.

Sjóðurinn er eign Fjórðungssjúkrahússins á Akureyri, en með sérstöku reikningshaldi, og er hann undanþeginn öllum fjárhagsskuldbindingum sjúkrahússins.